

## 第二講 文殊菩薩章——因地法行

胡健財/111.7.17

### 一、引言：

1. 佛說：「永斷無明，方成佛道。」又說：「此無明者，非實有體。」佛言何以有此矛盾？
2. 修行何以須發「清淨心」？如何才是清淨心？
3. 「因地法行」稱作「圓覺」的意義為何？

### 二、經文：

1. 於是，文殊師利菩薩在大眾中，即從座起，頂禮佛足，右繞三匝，長跪叉手而告佛言：
2. 「大悲世尊，願為此會諸來法眾，說於如來本起清淨因地法行，
3. 及諸菩薩於大乘中，發清淨心，遠離諸病，
4. 能使未來末世眾生求大乘者，不墮邪見。」
5. 作是語已，五體投地，如是三請，終而復始。
6. 爾時，世尊告文殊師利菩薩言：
7. 「善哉！善哉！善男子！汝等乃能為諸菩薩諮詢如來因地法行，
8. 及為末世一切眾生求大乘者，得正住持，不墮邪見。
9. 汝今諦聽！當為汝說。」
10. 時文殊師利菩薩奉教歡喜，及諸大眾默然而聽。
11. 「善男子！無上法王有大陀羅尼門，名為圓覺，
12. 流出一切清淨、真如、菩提、涅槃及波羅密，教授菩薩。
13. 一切如來本起因地，皆依圓照清淨覺相，永斷無明，方成佛道。
14. 云何無明？
15. 善男子！一切眾生，從無始來，種種顛倒。

16. 猶如迷人，四方易處，妄認四大為自身相，六塵緣影為自心相。
17. 譬彼病目，見空中華，及第二月。
18. 善男子！空實無華，病者妄執。
19. 由妄執故，非唯惑此虛空自性，亦復迷彼實華生處。
20. 由此妄有，輪轉生死，故名無明。
21. 善男子！此無明者，非實有體。
22. 如夢中人，夢時非無，及至於醒，了無所得。
23. 如眾空華，滅於虛空，不可說言：有定滅處。
24. 何以故？無生處故。
25. 一切眾生，於無生中，妄見生滅，是故說名：輪轉生死。
26. 善男子！如來因地修圓覺者，知是空華，即無輪轉；亦無身心，受彼生死。
27. 非作故無，本性無故。
28. 彼知覺者，猶如虛空。知虛空者，即空華相；亦不可說「無知覺性」。
29. 有、無俱遣，是則名為淨覺隨順。
30. 何以故？虛空性故，常不動故；如來藏中，無起滅故，無知見故；如法界性，究竟圓滿，遍十方故。
31. 是則名為『因地法行』，
32. 菩薩因此於大乘中，發清淨心；末世眾生，依此修行，不墮邪見。」
33. 爾時世尊，欲重宣此義而說偈言：
34. 「文殊汝當知：一切諸如來，從於本因地，皆以智慧覺。
35. 了達於無明，
36. 知彼如空華，即能免流轉；
37. 又如夢中人，醒時不可得。
38. 覺者如虛空，平等不動轉；覺遍十方界，即得成佛道。
39. 眾幻滅無處，成道亦無得，本性圓滿故；
40. 菩薩於此中，能發菩提心；末世諸眾生，修此免邪見。」